

Mossi - Sebr Sōngo - Protection Scriptures

Zeremi 1:18 Dūnna menga m kōt-f-la pānga wa tānsoben-tēng sēn tar a soabā; m na n yals-f-la wa kut lalga, wa zūud ra-luka, tēnga rāmb taoore, a Zūda rīm dāmba taoore, a kug-zīidba, a maan-kvūdba, a nin-zaalsa fāa taoore.

Ezekiyel 3:18 Wala m sā n dat n wilg yel-wēn-maanda t'a rika sor n digd a kūum zīgē tū fo ka sak n vēneg-a t'a teem sore n paam n vūnde, bāng tū yel-wēnda soab na n ki-la a yel-wēnda yīnga la fo zug la m na n tuk a kūuma taale.

Zeremi 6:27 M yāka foo, Zeremi, tū f yī wa ned sēn losd kut buud boaagē n tōe n bāng a sā n ka kalem ne būmb a to. M datame tū f mak m buudā, woto m na bāng a vūma sēn yaa a soaba.

Maan-Kvūr Sebre 26:19 M na n sika y wilg-m-menga n kīt tū y saag lebg kutu, n kīt tū y tēnga lebg zūudu.

Yaoolem 23:5 La rē ya b sēn zāgs tū b kōn yi n seg-y sorē ne bur la koom y sēn wa n yi Ezipt tēnga. Sēn ka tōe n naag b taaba Wēnd waoogra zīgē leb n yaa Moab neda, tū Moab tēnga naab tū bōsa kāab beedo f yīnga, baga, a Balaam, a Beor biiga. Nin-kāng ra kēeda Petor sēn be Aram kvūls a yiiba noorē.

Rom Dāmba 12:21 Da bas tū wēng tōog-f ye, la ning pāng n tōog wēnga ne neer maanego.

Yūla 143:8,10 Tōd-y beoogo n wilg maam y nonglem; yāmb bal la m teeg yā. Wilg-y m sor ning m sēn tog n dīke, tū yāmb la m tees n getē. 10 Zāms-y-m tū m maan y raabo tū yāmb la m Wēnnaam, la y tōe n kō-m-la y yam sōngā, la y tees-m so-saalle.

Yūla 94:12 Soaala, zu-noog soaba la sēn paam-a tū yāmb demsd a vūma ne y noorā!

Yelbūna 27:12 Yam soab yāeta yel-beedo n zoe n soonde, t'a yam-pa-sek zāgs soondgo n bao yell n kō a menga.

Filip Tēng Rāmba 2:16 n kōt b Koe-nooga sēn wat ne vūm. Woto la y segend y mense n na n yī mam zu-zēkre, Krista raarā; tū m zoeesa la m tuvlgā ka yī zaalem ye.

A Izayi Sebre 49:4 M da yeta m sūurē tū m namsa zaalem, tū m se-la m pāng zaalem, mik m puūr da keta m Soaala nengē, m dolb da keta Wēnnaam nengē.

Yūla 76:3(4) Yaa be la b kao bēeba tābdo b gāongo la b svuga, n sees zabre.

Ebre Rāmba 13:21 bī Wēnd meng kō yāmb sūuri tī y sak bāmb yam la y wīng ne tuum-sōma buud fāa, tuum sēn womd bi-sōma, sēn noom bāmba, a Zezi Krista pāng la b maasem yīnga; bāmb paam pēgr sēn kōn se, marsā la daar fāa. Ami!

1 Korēnt Rāmba 16:15 Ad-m koēeg a to, m saam-biisi: yāmb mi tī yaa a Stefanas ne a zak rāmb n yī Akayi pipi kristneb la bāmb n sōng d saam-biisa fāa gilli.

Filip Tēng Rāmba 1:27 Sōng-y tī y manesem tū Krista Koe-nooga bala, tī m waoonga raare bī m sā n ka tōog n wa me, bī m wūm tī yāmb ket n yēsa y nao zutu la y yaa yam yēngā la sū-yēngā n tūmd Koe-nooga yīnga.

1 Korēnt Rāmba 15:58 Dilla, m saam-biisi, modg-y tī y raooda ra woog ye la y rabs Soaala tuumna taoore n miē t'a kōn yī zaalem ye.

Kolos Rāmba 4:12 Yāmb tēngen-bi-taag a Epafras n puusde; sīda Krista a Zezi tuum-tūmd kānga maooda ne puusgo n kotē tī y kell n yī neb sēn kī yēgna, nin-sōma sēn sak Wēnd sēn dat fāa b yīnga.

2 Dīm Dāmba 19:34 Mam na n gūu tēngā, la m na fāag Zerizaleem, tī maam la Naaba-Wēnde!»

Zeremi 15:20,21 Bāmb taoore, m na n kitame tī fo lebg wala zūud-lalga, būmb sēn ka tusd n lub naana. B na n zaba ne foom, la b kōn tōog foom abada, tī bala, mam bee ne foom, n na n fāag fo, na n yiis f roogo. Soaala-Wēnd n leok rēnna. 21 am na n fāaga foom nin-wēnsā nugē, la m zāag-f ne pān-tōog rāmba pānga.

Yūla 55:18(19) B tol n yaoome n na n fāag-ma; ad-b sēn wat m nengē, neba fāa sēn waa n sēeg n bas-ma.

Ezekiyel 30:24 Mam na n paasa Babilon dīma pānga, la m na n ningā m meng suug a nugē. Ezipt dīma kamsa sēn kao yīnga, a na n wa yābdame la a kiid a bē taoore.

Yēl Pukr Sebre 3:18 Bī f reeg mam saglsā: wa m nengē n da sānem sēn yīge ne bugum, n lebg rakāgre; ra fu-peelse n yeelge n lud f yānde, la f ra nin tūm n ning f nini n paam n yāe vēnega.

1 Zā 3:17 Ned sā n tar tēng zug arzeka n ne a saam-biig zu-loēga la a maand wa a ka ne, Wēnd nonglma yita a wān n pa ne yē soaba?

A Izayi Sebre 50:4 Soaala-Wēnd kō-m-la karen-biig zelemde, n wilg mam sēn tog n togse, n wilg mam sēn na n yiis gomd ningā, n le yēeg sēn basd-b raooda gīni. Yibeoog fāa b nēkd-m lame, yibeoog fāa b yoogda m tubre tī m le kelg wa karen-biig sēn tog n kelge.

Yūla 18:39(40) Soaala yīnga m boba zabr ne raoodo, bāmb yīnga m bēeba gānegda m taoore.

2 Samwel 22:40 Y kō-m-la zabr pānga, m zabd-n-taasa fāa sura m

taoore.

Yilla 89:43(44) y tol n salga a svuga noor menga, y ka yals a seegē zabra sēn waa n wulumda ye.

Ezekiel 13:6 B gomda likr b sēn yāend b yamē yelle, la yaa zirē-beedo. B yetame: «Woto yaa Soaala koeega» la maam, Naaba-Wēnd, yaool ka tum-b ye. B bas n tēedame tī m na n yeelame tī b nee yellā, la yaa zaalem, b yagda zirē n yaool n zī n gūudē tī m maan būmb n kō-b buum.

Maan-Kuvv Sebre 26:37 B na n lagsame n lūl n buug taaba wala svug n pugd ba, mik ned ka pugd-b ye. B ka na n tōog b be ba a ye.

1 Korēnt Rāmba 14:8 Tōntōoga sā n peebd zabr yīnga, t'a peebga pa sāta, ānda n na n bob a zab-teedo?

Zoob 15:24 Rigb la yūre na n yees-a lame, toog la pēt sūu taab a zug wala dīm sēn kaoog a tāpo.

1 Na-Rot 12:8 a Zowel la a Zebadiya, Gedor daoa a Yeroam kamba.

1 Na-Rot 12:33,38 A Isakar roogē: tānsoaben-dāmb kobs-yi ne b tāb-biisi sēn da tar yēsem, sēn da mi sēn ya wakat ninga la seem ninga la naama na n yugi. 38 Zurdē kūlga rūvre, a Rubē, a Gad, a Manase bogra roogē: dapa sēn bob zab-eed buud fāa, bāmb tus koabga la pisi.

A Luk Sōng 10:19 Ade, mam kōo yāmb tōog, tī y tab wiis la namse la bēyā ne a pānga fāa kōn tōog n maan y būmb ye.

2 Korēnt Rāmba 7:10 Sū-sāang wa Wēnd sēn dat a soaba buudu wata ne tuubgu n manegd yelle la woto wā a ka bōn-wēng ye. Yaa sū-sāang wa zamaana rāmb sēn mi a soabā n wat ne kūum.

2 Timote 2:25,26 Yaa ne sū-maasem la a na n leok tōatba tī daare Wēnd wat n tedga b zugo, n vēneg b yam tī b yāe sida, 26 tī b wī wā loode, tī Sutāan n loe-b ne a wī, tī b tūud a raabo.

Neemi 4:15 Yaa woto la tōnd pūl-suk ra tuumda, tī d nug a ye tik kānde, zīg yēgre n tāg āds pukri.

Yilla 73:24 Y sēn wilg-m sor ninga la m vūma tūuda, y zūra sēn pukē wā la m tees yā.